

**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
DOM NARODA  
Broj: 04-011-20/98  
Sarajevo,6.marta 1998.godine**

**ZAPISNIK**

**7. SJEDNICE DOMA NARODA PARLAMENTARNE SKUPŠTINE BOSNE I  
HERCEGOVINE, ODRZANE 6. MARTA 1998. GODINE, U MUZEJU**

Sjednica je počela sa radom u 11 sati.

Sjednicom je predsjedavao Avdo Čampara,predsjedavajući Doma naroda Parlamentarne skupštine Bosne i Hercegovine.

Predsjedavajući je obavijestio delegate da sjednici prisustvuju dr Haris Silajdžić,kopredsjedavajući Vijeća ministara,Neven Tomić, dopredsjednik Vijeća ministara,Mirsad Kurtović,ministar spoljne trgovine i ekonomskih odnosa i Nikola Grabovac, zamjenik ministra.

Nakon što je utvrdio da postoji kvorum za punovažno odlučivanje predsjedavajući je predložio dnevni red.

U raspravi o prijedlogu dnevnog reda,delegat Mirsad Ćeman, predložio je da se u dnevni red sjednice uvrsti Inicijativa za susret sa predstavnicima parlamenata drugih država,a kao početak tog susreta predložio je susret sa parlamentarnom delegacijom Republike Hrvatske.

Tema tog susreta, po prijedlogu delegata Mirsada Ćemana, bila bi aktuelna pitanja iz oblasti privrede. Takođe, predložio je da Ministarsko vijeće, odnosno Predsjedništvo Bosne i Hercegovine informiše Dom o aktuelnoj bezbjednosnoj situaciji u regionu, imajući u vidu dešavanja na Kosovu.

U raspravi o prijedlogu delegata Mirsada Ćemana učestvovao je delegat Borislav Parovac.

U vezi naprijed pokrenute Inicijative,zaključeno je da o ovim inicijativama raspravi Kolegij Doma naroda.

Za sjednicu je jednoglasno usvojen slijedeći

**DNEVNI RED:**

1. Usvajanje zapisnika sa 5. i 6. sjednice Doma,
2. Prijedlog zakona o politici direktnih stranih ulaganja u Bosni i Hercegovini,
3. Prijedlog zakona o zastavi Bosne i Hercegovine,
4. Davanje saglasnosti na sporazume između Bosne i Hercegovine, Svjetske i Evropske banke

- a) Sporazum o prirodnom gasu
- b) Sporazum o pomoći Bosni i Hercegovini
- c) Sporazum o projektu hitne rekonstrukcije elektroprivrednog sistema,

5. Davanje saglasnosti na Konvenciju zabrane upotrebe, skladištenja proizvodnje i prijenosa protivpješadijskih mina i o njihovom uništavanju,

6. Delegatska pitanja.

**AD-1.**

### **Usvajanje zapisnika sa 5. i 6. sjednice Doma**

Zapisnik 5. i 6. sjednice, usvojen je jednoglasno, bez primjedaba.

**AD-2.**

### **Prijedlog zakona o politici direktnih stranih ulaganja u Bosni i Hercegovini**

Predsjedavajući je konstatirao da je ovaj Prijedlog zakona dostavio Ured visokog predstavnika.

U raspravi su učestvovali: dr Haris Silajdzic, Mariofil Ljubic, Borislav Parovac, Neven Tomić, Momir Tosić, Mirsad Kurtović, Nikola Grabovac, Mirsad Ćeman i Avdo Čampara.

Nakon rasprave, predsjedavajući je stavio na glasanje Prijedlog zakona o politici direktnih stranih ulaganja u Bosni i Hercegovini.

Delegati Doma, Bosnjaci i Hrvati iz Federacije BiH, glasali su "Za" a delegati iz Republike Srpske "Protiv" usvajanja Prijedloga zakona.

Predsjedavajući je konstatirao da Dom naroda nije usvojio Prijedlog zakona o politici direktnih stranih ulaganja u Bosni i Hercegovini, kojeg je dostavio Ured visokog predstavnika.

**AD-3.**

### **Prijedlog zakona o zastavi Bosne i Hercegovina**

Predsjedavajući Doma konstatirao je da je Privremeni zakon o zastavi Bosne i Hercegovine donio Ured visokog predstavnika, koji je stupio na snagu. Takođe, upoznao je delegate da Predstavnički dom nije usvojio ovaj Prijedlog zakona.

U raspravi je učestvovao delegat Mirsad Ćeman.

S obzirom da Predstavnički dom nije usvojio Prijedlog ovog zakona, predsjedavajući Doma je predložio da Dom donese zaključak da se o ovom Prijedlogu zakona ne izjašnjava.

Dom nije usvojio predloženi zaključak, jer nije dobio potrebnu većinu, odnosno konsenzus.

Zatim se prešlo na izjašnjavanje o Prijedlogu zakona o zastavi Bosne i Hercegovine.

Predsjedavajući je konstatirao da Dom nije usvojio Prijedlog zakona o zastavi Bosne i Hercegovine, jer nije dobio potrebnu većinu, odnosno konsenzus.

#### **AD-4.**

##### **Davanje saglasnosti na sporazume između Bosne i Hercegovine, Svjetske i Evropske banke**

- a) Sporazum o prirodnom gasu
- b) Sporazum o pomoći Bosni i Hercegovini i
- c) Sporazum o projektu hitne rekonstrukcije elektroprivrednog sistema

U raspravi nije niko učestvovao.

Dom je jednoglasno dao saglasnost na sporazume između Bosne i Hercegovine, Svjetske i Evropske banke - a) Sporazum o prirodnom gasu, b) Sporazum o pomoći Bosni i Hercegovini i c) Sporazum o projektu hitne rekonstrukcije elektroprivrednog sistema.

#### **AD-5.**

##### **Davanje saglasnosti na Konvenciju zabrane upotrebe, skladištenja proizvodnje i prijenosa protivpješadijskih mina i o njihovom uništavanju**

U raspravi nije niko učestvovao.

Dom je jednoglasno dao saglasnost za ratifikaciju Konvencije o zabrani upotrebe, skladištenja proizvodnje i prijenosa protivpješadijskih mina i o njihovom uništavanju.

#### **AD-6.**

##### **Delegatska pitanja**

Delegat Salih Kulenović postavio je sljedeće delegatsko pitanje:

"Moje pitanje je - možemo li očekivati od Vijeća ministara da nam u dogledno vrijeme dostavljaju nacрте zakona iz nadležnosti Parlamentarne Skupštine Bosne i Hercegovine koji su neophodni za funkcioniranje Bosne i Hercegovine. Ja, zaista, kao poslanik, u ovome Domu, očekujem da, zaista, ti zakoni čim prije budu ovdje u ovim skupštinskim klupama, da o njima raspravljamo i da se što prije uspostavi i počne funkcionirati Bosna i Hercegovina."

Sjednica je završena u 12,30 sati.

Magnetofonski snimak sjednice Doma čini sastavni dio ovog zapisnika

**PREDSJEDAVAJUĆI  
DOMA NARODA  
PARLAMENTARNE SKUPŠTINE BiH  
Avdo Čampara**